



Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Broj: 05/02-04-51520-19/22
Sarajevo; 17.01.2023. godine

SKUPŠTINA KANTONA SARAJEVO
Predsjedavajući Skupštine Kantona Sarajevo

PREDMET: Zastupničko pitanje zastupnice Admele Hodžić, odgovor - dostavlja se

V E Z A : Vaš akt broj: 01-04-51520-19/22 od 28.12.2022.godine

Na Prvoj radnoj sjednici Skupštine Kantona Sarajevo održanoj dana 28.12.2022. godine, u okviru tačke Dnevnog reda "Poslanička/zastupnička pitanja, inicijative i odgovori", zastupnica Admela Hodžić uputila je zastupničko pitanje kako slijedi:

"Na osnovu člana 211. Poslovnika Skupštine Kantona Sarajevo ("Službene novine Kantona Sarajevo", broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), postavljam pitanje ministru komunalne privrede, infrastrukture, prostornog uređenja, gradenja i zaštite okoliša, gospodinu Enveru Hadžiahmetoviću, koje se odnosi na javni poziv za subvencioniranje rješavanja stambenog pitanja mladih u Kantonu Sarajevo tačka II, stavka c), da ima prebivalište na području Kantona Sarajevo neprekidno u trajanju od najmanje tri godine prije podnošenja zahtjeva.

Ono što interesuje mlade ljude KS kod ovog uslova jeste sljedeće:

- Zbog čega i na osnovu kojih parametara je određen ovaj uslov u javnom pozivu o prebivalištu u trajanju od najmanje tri godine?
- Da li su mladi ljudi koji imaju prebivalište u Kantonu Sarajevo duže od tri godine vrijedniji od onih koji nemaju te tri godine prebivališta u Kantonu Sarajevo ili čak od onih koji žele da započnu život i osnuju porodicu u Kantonu Sarajevo?
- Da li su mladi mogli prijaviti prebivalište kako žive, rade ili studiraju u KS, ako nemaju vlastitu nekretninu?
- Mladi pitaju kakva se poruka šalje mladim ljudima iz drugih gradova Bosne i Hercegovine koji rade ili studiraju u Kantonu Sarajevo i planiraju preseliti, kupiti nekretninu i ovdje osnovati porodicu i nastaviti živjeti ako im ovakvim uslovima ne dajemo ni priliku da apliciraju za ovu vrstu pomoći?
- Mladi također pitaju zašto Vlada KS i rosorno ministarstvo u ovome ne vidi jedan oblik strategije KS za zadržavanje mladih (kao jedno od mjesta ugodnog življenja) i pomoć ovoj populaciji?

OBRAZLOŽENJE

Postavljam pitanje zbog mladih osoba koji dolaze iz drugih dijelova BiH i žele da žive ili nastave živjeti u Sarajevu (odnosno kupovinom nekretnine prebace svoje prebivalište na adresu u Kantonu Sarajevo, jer ranije nisu mogli zbog neposjedovanja nekretnine u KS). Dosta mladih ljudi

po nekoliko godina živi u Sarajevu, zbog studentskih obaveza, poslovnih i dr., ali nema priliku da svoje prebivalište prebace u Kantona Sarajevo. Iako ti mladi ljudi već žive u Kantonu Sarajevo, ne mogu to dokazati odmah nakon kupovine stana, nemaju pravo da apliciraju na ovaj javni poziv zbog stavke c) iz tačke II.

Mladi koji dolaze iz drugih dijelova Bosne i Hercegovine, kupovinom stana žele da žive u KS ali stiču dojam da Kanton Sarajevo ne želi da pomogne tim mladim ljudima i na neki način ih odbacuje. Postavlja se pitanje da li ti mladi manje vrijede od mladih koji imaju prebivalište u Kantonu Sarajevo duže od tri godine?

Molim usmeni odgovor, jer mladi ljudi čekaju pojašnjenje za ovaj uslov javnog poziva."

ODGOVOR

Ministarstvo komunalne privrede, infrastrukture, prostornog uređenja, gradjenja i zaštite okoliša Kantona Sarajevo (u daljem tekstu: Ministarstvo), raspisalo je javni poziv za subvencioniranje rješavanja stambenog pitanja mladih 08.08.2022.godine, na osnovu Odluke o subvencioniranju rješavanja stambenog pitanja mladih, koju je usvojila Vlada Kantona Sarajevo ("Službene novine Kantona Sarajevo", broj: 31/22).

Članom 4. navedene Odluke su propisani uslovi za subvencioniranje rješavanja stambenog pitanja mladih i jedan od uslova je da podnosilac zahtjeva ima prebivalište na području Kantona Sarajevo neprekidno u trajanju od najmanje tri godine prije podnošenja zahtjeva.

Ministarstvo kao nosilac izrade Odluke o subvencioniranju rješavanja stambenog pitanja mladih se prilikom utvrđivanja ovog uslova rukovodilo činjenicom da se radi o sredstvima iz Budžeta Kantona Sarajevo i na taj način je faktički imalo namjeru da subvencionira mlade sa dužim prebivalištem na području Kantona Sarajevo.

Propisivanjem navedenog uslova ovo Ministarstvo ni u kom slučaju ne smatra da su mladi koji imaju prebivalište duže od tri godine vrijedniji od onih koji nemaju te tri godine, već se rukovodilo činjenicom da prebivalište od tri godine znači i opredjeljenje mladih da su odlučili da žive na području Kantona Sarajevo.

Ovo Ministarstvo ističe da Vlada Kantona Sarajevo, na prijedlog Ministarstva, svake godine donosi Odluku o subvencioniranju rješavanja stambenog pitanja mladih, te da će navedeni uslov pri izradi Odluke za 2023.godinu biti razmotren, obzirom na postavljeno pitanje.

S poštovanjem,

Obradila: Višnja Liubić, pomoćnik ministra

Dostaviti:

- Naslovu
- Stručna služba Vlade Kantona Sarajevo
- Evidencija
- A/a

PO OVLAŠTENJU MINISTRA

Kenan Vehabović, sekretar ministarstva

